

non est nisi fructus, et effectus quem religio producit, non autem religio ipsa. Notiones rerum confundi non debent, alioquin orietur confusio. Sic expressio amoris non est nisi affectus, quem inspirat ipsa religio, non verò ab ipsa enascitur religio, quæ absolutè stare potest absque ejusmodi expressione.

IV. Obj.: Deus ipse commendat tolerantiam religiosam; 1º Deus enim, inquit Salvador (1), creare voluit cœlum ac terram in bonum omnium hominum, 2º Fœdus inivit cum Noe cunctorum hominum parente. 3º Moyses neque allexit neque impulit unquam scerum suum ad relinquendos deos suos; 4º bona Noemi dicebat nuribus suis: « Ite, revertimini ad populum vestrum et ad Deos vestros (2); » 5º legati Jephite loquuntur non sine veneratione de Kamos Ammonitarum Deo (3); 6º Michæas progressus est eò usque, ut ratione formalis ac positivâ prænuntiaverit tempora tolerantiae generalis: « concident (populi) gladios suos in vomeres... non sumet gens adversus gentem gladium... quia omnes populi ambulabunt unusquisque in nomine Dei sui : nos autem ambulabimus in nomine (Jehovah) Dei nostri in æternum et ultra. » Conf. Is. 2, 4. Ergo.

Resp.: Nego ant. Ad primum, dist.: In bonum omnium hominum creare voluit cœlum et terram, ut omnes homines, tanti beneficiis per eum cumulati, eum colerent ac digno obsequio et amore prosequerentur, concedo;

ut sic ostenderet sibi placeare tolerantiam religiosam, id est, omnium superstitionum fœdissimarum cultum eumque probare, nego. Quis enim tam stultum nefas in animum inducat suum nisi atheus? Si quid valeret hoc argumentum, sive inductio Judæi philosophi Salvador, id etiam sequeretur, quod nempe Deo placent homicidia, furtæ, blasphemiae, flagitiaque omnia, in qua homines scelesti facile adeò prolabantur, cùm et pro ipsis creaverit Deus cœlum et terram, et pluere faciat super justos et injustos. Attamen adversarius noster id etiam præ oculis habeat, Deum nempe creasse pariter paradisum et infernum, ut pro meritis post præsentem vitam decernat vel præmia vel pœnas. Deus quidem vult ex animo omnes homines salvos fieri, atque ad agnitionem veritatis venire; quod si homines desciscunt, si malunt cupiditatibus indulgere, et colere opera manuum suarum, et veri Dei, qui fecit illos, obliisci, etsi creaverit pro ipsis etiam cœlum et terram, æternum tamen, nisi resipiscant, à Deo punientur.

Ad secundum, dist.: Quatenus nunquam amplius diluvio esset homines perditurus sicut prius, concedo; ad cohonestandam tolerantiam religiosam, nego. Quin potius, ne vera religio oblivioni daretur, vel humanis commentis corrumperetur, elegit sibi Abraham ejusque posteritatem in populum peculiarem, cui commissam voluit revelationem suam, donec veniret plenitudo temporis, in quâ gentes ab erroribus revocarentur ad veri Dei cognitionem

(1) Hist. des institutions de Moïse, p. 120.

(2) Ruth c. 1, 15.

(3) Jud. 11, 24.

et amorem; quod suo tempore ostendemus (1).

Ad tertium, dist.: Nunquam allexit neque impulit scerum suum ad relinquendos deos, quos non habebat, concedo; quos habebat, nego. Jethro enim erat cultor, imò sacerdos veri Dei, cui in deserto obtulit holocausta et hostias, ut patet ex libro Exodi (2). Non poterat proinde Moyses eum impellere ad falsos deos relinquendos. Cæterum quòd non impulerit etiam ut sese cum populo Israel conjungeret, ac proinde profiteretur cultum Mosaicum, hoc falsum est, ut rursùm patet ex lib. Numerorum, c. 10, 29-31, ubi et semel et iterum eum invitavit, multa bona ei promittens. Judaicane an potius philosophica est hæc fides integerrimi illius Salvador?

Ad quartum, nego prout profert Salvador, nunquam enim dixit Noemi: *Ite, revertimini ad populum vestrum et ad Deos vestros* (3), sed solum: *Revertimini, filia mea, et abite*; cùm verò discessisset ab eā Orpha, altera ejus nurus, dixit Noemi ad Ruth: *En reversa est cognata tua ad populum suum et ad Deos suos, vade cum eā*, ita ut sensus sit: Vade et tu in terram tuam, prout et illa perrexit, quæ quidem profata est Noemi, ut interpres passim exponunt, ad explorandam Ruth constantiam atque animi propositum (4). Quid igitur ibi habetur, quod vel innuat tolerantiam religiosam.

Ad quintum, dist.: Id est, ad mentem Ammonitarum ac Moabitum, concedo; ex mente Jephite qui non eredebat nisi in verum Deum, nego. Ut si nos argueremus adversus Islamitam ac diceremus: Si tuus propheta Mahumedes hoc tibi præscripsit, etc., numquid hinc sequeretur nos habere Mahumudem, ut verum prophetam, vel de eo loqui non sine veneratione? Non puto. Talis verò est sensus legatorum Jephite (5).

Ad sextum, nego. Imò contrarium omnino vaticinatur, sensus enim est: Etsi omnes gentes ambulent in vanitate sensu sui, falsos deos vel idola colentes, nos tamen semper ambulamus et ambulabimus in nomine Jehovah Dei nostri; en quomodo verbâ Michæae vertit Rosenmuller, qui interdum ab eo in medium profertur: « Nam omnes populi ambulant in nomine Dei sui, nos verò ambulamus in nomine Jehovah, Dei nostri in perpetuum et æternum (6); » qui præterea sic pergit exponendo sensum prophetæ: « Id est, quum Jehovah vobis spem faciat tam præclaræ restitutionis, oportet vos bono animo stare, et hæc promissione fretos pergere in vero ejus cultu, utcumque alias gentes suis diis serviant, et in suis superstitionibus superbiant; » consonat

(1) In tract. de Incarnatione.

(2) C. 48, 12.

(3) Sic enim Salvador refert verba Noemi: *Allez, retournez à vos peuples et à vos dieux*; jam verò etiam recederemus à versione vulgata, hebraica veritas ita se habet: *שׁבְנֵה בָּתָּה לְךָ*

(4) Ita exponunt non solum interpres catholici, à Lapide, Tirinus, Calmet, etc., sed ipsi protestantes, ut videre est in critici sacris ad h. l.

(5) Ita pariter hunc textum exponunt cit. interpres.

(6) In h. loc.

Chaldeus paraphrastes, qui sic reddit citatum versus: « Etenim omnes populi ambulant juxta id, quod idola colunt; nos verò confidimus in verbo Jehovah, Dei nostri, in seculum et in secula seculorum (1). » Hæc ignorare non poterat judæus auctor; ubi igitur est formalis, imò formalissima, ut ipse loquitur, et positiva prædictio futura alicuius tolerantiae generalis (2)? Quare verò proferat auctor Isaiam, cap. 2, 4, non video, cùm ibi nec syllaba nec iota habeatur ad rem suam.

Inst.: Intolerantia civilis nullo modo distingui potest ab intolerantia religiosa. Duæ enim hæc intolerantiae sunt prorsus indivisibles: impossibile siquid.

(1) Ibid.

(2) En verba auctoris: « Il va jusqu'à prophétiser de la manière la plus formelle et la plus positive les temps de la tolérance générale: un jour tous les peuples cesseront de combattre, et prendront plaisir à la paix; chacun marchera en invoquant le nom de son Dieu; Israël toujours le nom de Jéhovah. » Perficie frontis sunt ii, qui fidem omnem abjeccunt.

dem est pacificè vivere cum iis qui tanquam inimici Dei habentur (1). Ergo.

Resp.: Nego ant. quoad omnes partes. Non solum enim distingui possunt duæ istæ intolerantiae, sed distingui omnino debent, ut distinguuntur et differunt inter se objectum temporale et spirituale. Regis enim seu magistratus qualiscumque est penas in delinquentes contra incolumitatem reipublicæ decernere, vel eas infligere. Religionis est declarare eos, qui culpabiliter falsitatem vel errorem sectantur, extra viam salutis esse, et eos interea non solum pati, sed amare, iis benefacere, atque omnimodi eorum salutem procurare ad exemplum Christi et Apostolorum qui non solum pacificè vixerunt cum iis, qui perversæ in suis erroribus erant, sed omni beneficentiae argumento eos prosecuti sunt, ut eos sibi conciliarent. Eò magis quod nos semper lateat, num isti aliquando non sint reversi ad veritatem, ac resipiscant. Quandiu vivunt, juvat spem aliquam alere de eorum conversione; quod non raro felicem habet exitum.

(1) Ita Rousseau, Emile, liv. 4, t. 5.

CONCLUSIO.

Ex iis, quæ lucisque dissertimus, primum est colligere totum christiane religionis systema in auctoritate fundari. Deus enim ita dispositus, ut homo, qui limitibus circumscriptus est, ac errori obnoxius, rationem suam subjiceret ipsius auctoritati; quare non contentus revelare veritates, quæ intra rationis ac naturæ fines continentur, revelavit præterea veritates, quæ humanæ mentis aciem atque obtutum superant, ut homo disceret munus sibi incumbere subjiciendi propriam rationem in iis, quæ ad fidem ac religionem pertinent, atque Deum statuisse mundum salvare per fidem.

Donec veteret plenitudo temporis, extraordinaria providentia, ut vidimus, ipsem prospexit revelationis suæ incolumitati atque integratati (1). Ac cum

(1) Prout saletur ipse Limborchius, etsi socinianus, in sua *Amica collatione cum eruditio Judeo*, nempe Orobio. Cum enim Orobio in tertio scripto objecisset: « Nunquam tot difficultatibus, dubiis et variis intelligentiis obnoxium fuisse verbum Dei quam sub evangelio; in ecclesia Israelis nullas enatas sectas, nisi jam depravato sæculo, et de rebus ad legis essentiam non pertinentibus; » respondet Limborchius ad istud secundum punctum: « Quod ecclesia israelitica in principio variis opinionibus agitata non fuerit, causa fuit crebra prophetarum, qui spiritu divino commovebantur, frequentia, quorum auctoritatem omnes exciperent tenebantur » (cap. iv, resp. ad tertium *Judei scriptum*). Ergo, colligo, auctoritas et quidem divina necessaria est ad unitatem servandam, alioquin hominum ingenia dilabuntur. Quoad dissensiones enatas post evangelium, facile fuisset catholicus respondere, ipsas non ex evangelio ipso emerissem, sed ex privatorum perduellione ab illa auctoritate, quæ divinitus constituta est ab ipso evangelii

misiit Filium suum ad homines retrahendos ab illis ignorantiae tenebris, quibus ipsi sua culpa obvolvebantur, utpote oblii, magna saltem ex parte, illarum veritatum quas jamdiu Deus ipsis patefecerat, atque ad dandam illis pleniorum sui cognitionem, constituit, ut haberetur magisterium juge, infallibile, visibile, atque perpetuum, quo tuto dirigerentur in salutis via; neque a veritatis tramite, ut antea, aberrarent. Hoc verò magisterium posuit in ecclesia, quam Christus fundavit, eam sibi acquirendo sanguine suo, ac præcise in pastorum cœtu sub regimine unius capitis visibilis, quod in totum corpus influeret, quodque fundamentum totius aedificii ecclesie suæ esse voluit. Constituit, ut huic ecclesiæ omnes subjicerentur, nisi velint haberi tanquam ethnici ei publicani, id est extores ab hoc individuo corpore seu societate a se constituta, ac rei criminis perduebionis, ideoque æternæ damnationis.

Huic ecclesiæ revelationis depositum consignavit; mandavitque, ut ipsa in nomine suo prædicaret evangelium omni creaturæ, id est in omni loco et omni tempore, adstantiam suam promittens, ne unquam in hoc ministerio vel deficeret vel erraret. Voluit ut pignus adstantiae sue præseferret miracula, vaticinia, aliaque charismatum dona, nec non

anetore, nempe ecclesia catholica. At sociniano homini alia via inenarranda erat, que satisfacere expostulationi Judei nullo modo potest, ut legenti ejusmodi effugia, quæ hic habet Limborchius, patet; neque melius, ut supra monimus, huic ipsi difficultati satisfacere possunt protestantes.

secunditatem, non solum in filii gignendis, sed prævehendis usque ad plenam sanctitatem.

Hæc autem ecclesia, quæ cœpit in Petro et in apostolis, continua et nunquam interrupta successione, velut persona moralis semper jugiterque perseveravit, ac plena vita producta usque ad nos, prout ex divinis promissis semper jugiterque una et individua perseverabit usque ad consummationem sæculi, ambiens omnia loca et omnia tempora, semper præseferens divinæ adstantie pignora et argumenta. Restituit enim firma et invincibilis adversus sibi prænunciatast inferni machinationes, tum externas ex parte ethnikorum seu infidelium, tum internas ex perduellione filiorum suorum. Sibi sufficiens, seu potius divino præsidio ac divinis pollicitationibus innixa, independenter omnino est ab hominum sive favore sive furore; humanos favores spectat ut media, persecutions et iram ut probationes, sed nec illis innitur, nec istas formidat, et saecula trajicit novis semper triumphis clara, uberes sanctitatis fructus producens, homines nempe tum omnibus virtutibus tum charismatum donis insignes in testimonium divinae originis suæ, ac novos semper filios in cœlum transmittens, usque dum et ipsa, non habens neque rugam neque maculam, cum complectus fuerit electorum numerus, regnabit in perpetuas æternitates.

At si eum Deus voluit unitatem ecclesiæ sue constitutam esse in principio auctoritatis, e converso sectæ ab hac auctoritate divinitus constituta, descentes, ut ductum spiritus privati seu rationis, ut vocant, individualis, sectarentur, oppositum ecclesiæ magisterio principium dissolutionis ac divisionis substituerunt. Quo principio semel posito, factum est, ut nunquam illæ inter se unitatem doctrinæ conservare potuerint, atque, ut consequens erat, nunquam sibi constantes nisi in sola mobilitate, de novitate in novitatem, de errore in errorem prolapsæ sint; novas semper confessions edentes, ac in frustula communite, donec consumerentur atque perirent, ut sal in aqua dissolvitur. Ita veteribus sectis accedit, ita novis, quæ desierunt in naturalismum seu rationalismum, ultimum, juxta Leibnitium, hæreses genus (1). Quod si interdum atque ad tempus

(1) Non me fugit Ephemeridem evangelicam ecclesiasticam (mens. Janua. 1830, n. 5, 6) vehementissime insurrexisse contra rationalismum, ac contra doctores Gesenius et Wegscheider, professores theologiae Halle. Censura autem adeo fuit virulenta, ut non solum commoverit horum professorum auditores, sed compulerit facultatem theologicam ad invocandam ministerii protectionem adversus impugnationes æmulae Berolinensis Universitatis (vid. Appendix extraord. Ephemer. univers. n. 26, 1830). At quis non videt, hanc agendi rationem destruere principium et essentiam reformationis? Si enim, ut toties dictum est, essentia reformationis consistit, ipsis fatentibus, in plena examinis libertate atque in plena independentia spiritus privati a qualibet auctoritate, quo jure Berolinenses excandescere possunt adversus rationalistas, si isti corollaria deduxerunt ex principio et essentia reformationis? Si ipsis persuasum est, se in scriptura non invenire nisi purum rationalismum, quo jure id illis objicitur, quod reformatores

consistere visa est inter hæreticos protestantes antiquiores et modernos aliqua unitatis species, id factum non est, nisi quia ipsi non fuerunt consentientes suo proprio principio, substituentes, sive aperie, sive occulte, propriam auctoritatem auctoritati ecclesiæ catholice, quam deseruerunt. Sublata enim auctoritate, necesse est ut auferatur unitas, imo unitatis principium ac proinde ecclesia ipsa, quia sublata auctoritate non remanet nisi individualis libertas, individuus cuiusque sensus; et vinculum disrupitur, quo simul ejusmodi membra secum cohærent, adeo ut secte non sint nisi aggredatio turborum, seu etiam individuorum quorum alterum nihil habet cum altero commune, nisi principium dissolutionis ac divisionis, seu unitatem negativam, id est, privationem essentialē ejusdemque compaginis atque unitatis.

Neque huic auctoritatis ecclesiæ catholice defectui supplet auctoritas scripturæ, ut protestantes repunnt: nam præterquam quod ipsis constare non potest de numero, de integritate, de divina inspiratione sacrorum librorum ac singularum eorum partium nisi ex testimonio et auctoritate ecclesiæ catholicae, a qua, ut ipsi loquuntur, se tandem in libertatem vindicarunt (1), ac proinde cum integrum unicuique sit, ex principio examinis spiritus privati, eos admittere vel rejicere, ut factum ostendimus a protestantibus recentioribus, quemadmodum semper factum est a protestantibus antiquis (2), illud ipsis constituant tanquam remedium, quod semper fuit omnis mali origo. Neque enim, ut præclare jam observaverat S. Augustinus (3), natæ sunt hæreses, ei quædam dogmata perversitatis illaqueantia animas et in profundum præcipitantia, nisi dum scripturæ bonæ intelliguntur non bene, et quod in eis non bene intelligitur, etiam temere et audacter assurrit. Adeo ut nulla unquam fuerit hæreticorum secta, quæ non inniteretur alicui scripturarum auctoritati (4).

Interea Deus ordinatissima providentia sua permisit, ut hæreses et sectæ orientur, viventibus adhuc apostolis ipsis, ut ex ipsorum agendi ratione adversus ejusmodi novatores protestantes, compertum esset toti posteritati seu subsequentibus sæculis, tum quænam esset hærescon origo, tum ratio, qua ecclesia se gerere deberet cum hæreticis seu protestantibus orituris; ut hos nempe expelleret et sinu suo, et fideles præmuniret adversus eorum conatus ac subdolas versatasque artes; tum demum ipsis, nisi resipserint,

sibi arrogarunt? Adeo verum est nullum dari medium inter catholicismum et rationalismum sive deismum. Quilibet enim apud protestantes potest respondere: *Quis nostrum judices vos constituit?*

(1) Nempe sicut filius prodigus se emancipavit ab auctoritate paterna.

(2) Nempe ebionitis, cerinthianis, marcionitis, manichæis, etc., qui et ipsi rejecerunt eos libros, quos ipsis rejecere placevit.

(3) Tract. xviii, in Joan. tom. iii, p. 440, edit. Maur.

(4) Cons. Vinc. Lirin. Commonitorium, n. 25 et seqq., Curs. compl. Theol., tom. I.

CONCLUSIO.

semper exitio certo addicendos denunciat, nullum interponens discrimen inter hæreses et hæreses, hæreticos et hereticos. Quandocumque enim quis reus est protestantismi, seu protestationis adversus ecclesiam, quam Christus institut depositarium perpetuum revelationis, magistrum et interpretem, seu, ut loquitur Paulus, columnam et firmamentum veritatis (1 Tim. III, 15), certissime ejusmodi pœnam incurret.

Non exiguum tamen emolumentum cepit, aut capit ecclesia catholica ex ejusmodi semper sibi succedentibus hæresibus et sectis, ipsarumque perpetua mobilitate, ortu et interitu. Ac 1. quidem ex occasione exorientium errorum diligentius inquirit in fidem sanam, explicat et lueulentius evolvit veram doctrinam, ut inde magis appareat pulchritudo totius catholicæ systematis, et nexus intimus omnium veritatum, quas proficit, ut re ipsa semper factum est, quoties quilibet novator aliquam veritatem impugnat. 2. Ut ex perpetuo conflieti, quem sustinere debet ex parte hæreticorum, viglet semper, firmiore que quodammodo auctoritatē nanciscatur. Etenim prout justi ex malorum insectatione probantur, ac magis eorum virtus nitet, sic ecclesia, quæ est, ut sæpe diximus, moralis persona, ex sectarum machinationibus, malis artibus, calumniis, imo sæpe ferro et igne, pulchrior semper ac nitentior splendet. 3. Ut omnibus planum compertumque sit, ecclesiæ stabilitatem ac firmitatem non aliunde quam a Deo ipso ejusque promissis esse repetendam, dum opera hominum continuo diffundunt ac dissolvuntur. 4. Ut ex sterilitate hæreticorum omnes discant jugem ecclesiæ catholiceæ sœunditatem Deo soli acceptam esse referendam, non autem humanae cuivis industriae vel hominum conatibus, quia: *Nisi Dominus adificaverit domum, in vanum laboraverunt, qui adificant eam;* et: *Neque qui plantat est aliquid, neque qui rigat, sed qui incrementum dat Deus (1 Cor. III, 7).* 5. Ut discant omnes, fidem donum Dei gratuitum esse, neque scientia comparari posse, neque humana industria, quibus virtutibus certe pollent plures inter sectarios, nec quæpiam de se debere præsumere, et: *Qui se existimat stare, videat ne cadat (1 Cor. X, 12);* quum Deus de se præsumentes dimiserit in desideria cordis eorum ac dicentes se esse sapientes, stulti facti sint, et Deus errare eos fecerit quasi ebrios; adeo ut vix sit errorum monstrum sive theoreticum sive practicum, in quod plus minus ejusmodi sapientes non inciderint, et vix sit contradicatio, in quam ipsi turpiter non sint prolapsi; sic neminem aliter posse in fide perseverare nisi humilitate et oratione, prout nemo ad veram fidem nisi humilitate et oratione accedere potest: *Deus enim superbis resistit, humiliis autem dat gratiam (Jas. IV, 6).* Neque mirum cuicunque videri debet tantam hominum multitudinem in hæresi vel schismate versari, dummodo is secum animo reputet, ante adventum Christi, Deum dimisisse omnes gentes ingredi vias suas, una excepta hebraica natione; post Christum vero, vocatas quidem fuisse gentes ad fidem, ast judaicum populum in excitatem

ac mentis stuporem incidisse (1).

Cum igitur ex dictis duplex tantum sit ad veritatem via, *ratio videlicet et auctoritas*, omnes de religione controversiæ ad hunc cardinem, ut ita dicam, revocantur: utrum videlicet in religionis negotio auctoritas rationi, an contra ratio auctoritati sit præferenda; vel clarius etiam, utrum per viam disquisitionis et examinis, instituendi per privatum uniuscujusque spiritum, seposita omni auctoritate, an vero per viam fidei ac submissionis publicæ ac legitimæ auctoritati in religionis negotio sit incedendum; vel etiam ulterius: utrum standum sit auctoritati ecclesiæ catholice, an vero, ista posthabita, unicuique liberum relinquendum sit Scripturas privato sensu admittere et interpretari, ac eudere sibi religionem, prout magis minusve quidpiam probabile videatur (2). Dixi ecclesiæ catholice auctoritati; nam si sistema seu via auctoritatis admittitur, nullum dubium esse potest aliis quibuscumque eam ecclesiam prevalere auctoritatis pondere, quæ omnes certo vincit sive antiquitate, sive universalitate, sive unitate et consensione, imo nulla est, quæ cum ipsa comparari possit.

Jam vero non potest admitti via sensus privati, quin incidamus in illa omnia absurdâ, quæ recensimus, quæ eo tandem homines deducunt, ut omnem fidem amittant, incidentque in perfectum scepticismum religiosum, adeo ut nemo sciat quid teneat, quid respire debeat, sed majori tantum aut

(1) Vincentius Lirinensis internos hæreticorum tumultus eruciatisque graphicè describit in suo Commonitorio, cap. 20, dicens: « Heu miseranda conditio! Quantis illi curarum vestibus, quantis turbibus exigitur! Nunc etenim qua ventus impulerit, incitato errore rapiuntur; nunc in semetipsos reversi, tanquam contrarii fluctus, reliduntur; nunc temeritatis præsumptione, et ea, quæ incerta videntur, adprobant; nunc irrationali metu etiam, quæ certa sunt, expavescunt; incerti, quæ eant, quæ redent, quid adaptant, quid fugiant, quid teneant, quid dimittant. Quæ quidem dubii et male penduli cordis afflictio divina erga se miserationis est medicina, si sapiant. Idcirco etenim extra tutissimum catholicæ fidei portum diversis cogitationum quatuntur, verberantur ac pene encantur procellis, ut excussa in altum elata mentis vela deponant, quæ male novitatem ventis expandent, seseque intra fidissimam stationem placidæ ac bone matris reducant et teant, atque amaros illos turbulentosque errorum fluctus primitus revolant, ut possint deinceps vivæ et salientis aquæ fluentia potare. Dedicant bene quod didicerant non bene; et ex toto Ecclesiæ dogmate, quod intellectu capi potest, capiant, quod non potest, credant. » Vid. Curs. compl. Theol. tom. 4.

(2) Sane in Ephemeride protest. (Le Globe) n. 157, aperte scribitur: « Notre siècle doute, et, dans le doute, sa religion c'est sa liberté, parce que c'est le seul dogme, qui permet à chacun de suivre ce qui lui plaît aujourd'hui, de le rejeter demain. Le caractère de ce siècle est de ne pas avoir une religion, mais d'en avoir mille, mais d'en avoir presqu'autant qu'il y a de familles dans chaque nation. » Potuisse insuper adjicere *quot sunt individua in qualibet familia*. Hic graphicè describitur sistema protestantismi, quod consistit in nulla habenda religione, nulla fide, sed in profitendo purum dubium, prout suo loco meumus.

minori probabilitate quadam permovcatur. Unde fieret, ut disputare liceret de religione eodem fere modo ac olim disputabatur inter philosophos; religio vero non esset nisi sistema philosophicum, sectæ autem totidem academæ, vel scholæ philosophicæ, in quibus liberum est id tenere ac sectari, quod bonum uniuersum videtur. Quis autem sobrius sibi persuadere poterit Deum sic dedisse revelationem suam, ut ejus existentia et sensus permitteretur hominum disputationibus, et omnia incerta, omnia confusa essent, ac religio desineret in pyrrhonismum vel philosophicam quæstionem? In hoc systemate protestans sive haereticus, divulsus ab ecclesia universa omnium sæculorum, quæque hactenus perdurat, segregatus a consilio eorum etiam, qui ecclesiam deseruerunt, cum quisque habeat ex principio protestantismi religionem suam individualem, et sibi a se cusam, solus est, velut insula sive scopolus, in medio mari procellis fluctibusque undique percussus. Quam vero spem, quodve solatium capere potest ex religione sua? Quid si erret? Quod judicium sibi polliceri poterit a Christo Domino post mortem? Omnia plane in hoc systemate horrorem ingerunt, ac plena omnia formidine sunt. Contra vero catholicus, in systemate seu principio auctoritatis securus vivit; ipse communicat cum ecclesia omnium sæculorum et locorum omnium; consortio fructu apostolorum, martyrum, sanctorum omnium ætatum: nullum unquam poterit ob religionis sue professionem periculum subire, nisi (quod absurdum

(1) En quomodo ab alio folio protestantico progressus protestantismi describitur: « C'est au seizième siècle que la première fois, dans la série des événements qui nous intéressent, on voit la liberté de conscience ouverte et nettement érigée en principe; mais d'abord ce n'est point cette liberté illimitée qu'on a réclamée depuis, c'est seulement la faculté de croire, sur un certain nombre de points déterminés, autrement que l'Eglise catholique. A mesure qu'en se succédant, les sectes, qui s'élèvent du sein de l'Eglise, prétendent s'éloigner davantage de sa doctrine, elles reculent aussi théoriquement les bornes de cette faculté qu'elles s'attribuent par le fait. Les Ecritures sacrées avaient été d'abord le champ où il paraissait convenu que la liberté de conscience devait se renfermer; bientôt cette limite est franchie; la religion par quelques hommes est réduite, dans son dogme, à une simple conception de la raison et du sentiment, et dans son culte à une pure relation métaphysique de l'homme à son Créateur; enfin les idées fondamentales de toute institution ou croyance religieuse sont elles-mêmes attaquées, et c'est à l'abri du principe de la liberté de conscience, toujours de plus en plus étendue, que ces divers degrés d'incrédulité se produisent tour à tour et essaient de se faire recevoir. » (Producteur; n. 9, pag. 408). Hoc ipsum, jam a quinto Ecclesiæ sæculo, rursum præviderat et prænunciaverat, in suo admirabili *Commentario*, cap. xxii, Vincentius Liricensis: « Nam si semel admissa fuerit, inquit, hec impia fraudis licentia, horro dicens quantum excidenda atque abolenda religionis periculum consequatur. Abdicata etenim qualibet parte catholicæ dogmatis, alia quoque atque item alia, ac deinceps alia et alia, jam quasi ex more et lictio abdicabuntur. Porro autem singillatim partibus repudiatis, quid aliud ad extreum sequetur, nisi ut totum pariter repudietur? »

omnino est) universa catholica ecclesia locum perculis daret; se ipse spectat veluti membrum magnum familie, cuius caput invisible Christus est, qui imaginem sui reliquit in Petro ejusque successoribus vicariis suis, in qua omnia bona communia sunt, universalis quidam amor omnia regit, in qua omnia sapientissima providentia a Christo ad nos usque perseverant, omnes eidem mensæ eucharisticæ assident; et si quæ humana fragilitate maculae contrahuntur, per humilem culparum confessionem, in qua ex integra animi sui manifestatione magnum quisque a parente omnium amantissimo percipit solatium. Nunquam solus catholicus est, nec vivens nec moriens, sed sicut unus Dominus, ita una fides, unus baptismus, unus corpus et unus spiritus, sicut vocatus est in una spe vocationis sua. Quin imo nec deseritur post mortem; pergit enim communicare cum ecclesia sua, sive militante, cujus suffragijs juvatur, sive triumphante, que munus ad ipsum tendit et ad se eum invitat.

Itaque vel nulla religio, vel sola religio catholica. Nullum datur medium; vel si medium datur, est medium incohærentiae. Quia si Deus est, si divina providentia sua cuncta gubernat, per nexus quemdam validamque ipsius rationis vim ad catholicam professionem tandem deveniri debet.

Placet hæc omnia testimonio et auctoritate magni Augustini robore et confirmare, qui non minus vere quam eleganter velut compendium exhibet eorum omnium, que hactenus fuse a nobis, in utrque hujus tractatus parte, discussa sunt atque exposita.

Si Dei providentia, scribit ipse, non præsidet rebus humanis, nihil est de religione satagendum; sin vero et species rerum omnium, quam profecto ex aliquo verissimæ pulchritudinis fonte manare credendum est, et interior, nescio quæ conscientia Deum querendum, Deoque servendum, meliores quosque animos quasi publice privatimque hortatur, non est desperandum ab eodem ipso Deo auctoritatem aliquam constitutam, quo velut gradu certo inventes ad tollamur in Deum. Hæc autem, seposita ratione, quam sinceram intelligere, ut saepe diximus, difficultum stultis est, dupliciter nos movet, partim miraculis, partim sequentium multitudine... miraculum voco, quidquid arduum aut insolitum supra spem vel facultatem mirantis apparel, in quo genere nihil est populis aptius, et omnino stultis hominibus, quam id quod sensibus admovetur. Sed rursus hæc in duo dividuntur; quædam enim sunt, quæ solam faciunt admirationem, quædam vero magnam etiam gratiam benevolentiamque conciliant. Nam si quis volantem hominem cernat, cum ea res nihil spectatori afferat commodi præter ipsum spectaculum, miratur tantummodo. Si quis gravi et desperato morbo affectus, mox ut jussum fuerit, convalescat, admiratio nem sanitatis sue, sanantis etiam caritate superabit. Talia facta sunt illo tempore, quo Deus in vero homine, quantum sat erat, hominibus apparebat. Sanati languidi, mundati leprosi, incessus claudis, cœcis visus,

sardis auditus est redditus. Homines illius temporis aquam in vinum conversam, saturata quinque millia quinque panibus, transita pedibus maria, mortuos resurgentes viderunt; ita quædam corpori manifestiori beneficio, quædam vero menti occultiori signo, et omnia hominibus majestatis testimonio consulebant; sic in se tunc animas errantes mortalium divina commovebat auctoritas. Cur, inquis, ista modo non sunt? Quia non moverent nisi mira essent: at si solita essent, mira non essent. Nam diei et noctis vices et constantissimum ordinem rerum cœlestium... incidentes redeuntesque frondes arboribus, infinitam vim seminum, pulchritudinem lucis, colorum saporumque varietates, da qui prium videat atque sentiat, cum quo loqui possimus, habescit obruiturque miraculis; nos vero hæc omnia, non cognoscendi facilitate, quid enim causis horum obscurius? sed certe sentiendi assiduitate contemnimus. Facta sunt igitur illa opportunissime, ut, his multitudine credentium congregata atque propagata, in ipsis mores utilis converteretur auctoritas. Mores autem quilibet tantum valent ad obtinendas hominum mentes, ut etiam quæ in his prava sunt, quod fere superantibus libidinibus evenit, improbare citius et detestari quam deserere aut mutare possimus. Parum ne consultum rebus humanis arbitraris, quod nihil terrenum, nihil igneum, nihil denique quod corporis sensus adtingit, pro Deo colendum esse, ad quem solo intellectu ambendum est, non pauci doctissimi disputant, sed imperitum etiam vulgus marium seminarumque in tam multis diversisque gentibus et credit et prædicat? Quod continentia usque ad tenuissimum victimum panis et aquæ, et non quotidiana solum, sed etiam per contextos plures dies continuata jejunitia, quod castitas usque ad conjugis prolixus contemptum, quod patientia usque ad crucis flammæ neglectas, quod liberalitas usque ad patrimonia distributa pauperibus, quod denique totius hujus mundi aspernatio usque ad desiderium mortis intenditur? Pauci hæc faciunt, pauciores bene prudenterque faciunt; sed populi probant, populi audiunt, populi savent, diligunt postremo populi; populi suam

(1) Lib. *De utilitate credendi*, capp. 16, 17, 18, tom. viii, opp. edit. Maur.

TRACTATUS DE DEO EJUSQUE ATTRIBUTIS.

Proemium.

Qui catholice religionis veritatem hactenus demonstravimus, idem simul eorum omnium veritatem demonstravimus, quæ ad ipsam religionem pertinent, quæque ab ipsa traduntur. Siquidem tam apto hac inter se vinculo tamque arcto connectuntur, ut unum idemque plane sint, neque alterum sine altero con-